



6. tbl.

Skólaárið 2016 / 2017

Fréttabréf GSnb




Síðustu daga hefur veðrið leikið við okkur, sól og blíða upp á hvern dag. Þessa daga og þá sem eftir lifa af skólaárinu höfum við m.a. nýtt til útivistar og ferðalaga. Ferðirnar eru í anda námskrár okkar í áttthaga- og umhverfisfræðum þar sem nemendur læra um náttúru og sögu á vettvangi. Menntunargildi slíkra ferða er ótvírætt og mikilvæg viðbót við bók-námið.

Mikilvægi sumarlesturs

Lesskilningur er meginmarkmiðið er grein sem Rannveig Lund og Guðlaug Einarsdóttir, sérkennarar í Flataskóla, skrifuðu í Skólavörðuna (2. tbl. 10. árg. mars 2010). Þar kemur m.a. fram að ekki séu kennarar sammála um hvort börn eigi að þjálfa sig í lestri í skóla-leyfum eða eiga frí frá því. Í rannsókn þeirra kom fram að afturför varð hjá 13 af 18 nemendum fjórða bekkjar í Flataskóla. Afturför varð einnig hjá börnunum í 3. bekk en ekki jafn almenn. Línuritið hér að neðan sýnir einkunn barns í 4. bekk Flataskóla á þremur tímabilum. Fyrstu tvær mælingarnar eru fyrir og eftir sumarleyfi.

Út frá þessum upplýsingum er dregin sú ályktun að upplýsa eigi foreldra um hættu á afturför í lestri ef ónóg eða engin þjálfun á sér stað yfir langt tímabil á þessu stigi lestrar-þróunar og er það gert hér með. Reynsla kennara við skólann okkar er í samræmi við reynslu sérkennara Flataskóla.



Fréttabréf Grunnskóla Snæfellsbæjar

Útgefandi: Grsk. Snæfellsbæjar

Ritsjóri og ábm.: Hilmar Már Arason



Samstarf skólans og Bókasafns Snæfellsbæjar

Grunnskóli Snæfellsbæjar og Bókasafn Snæfellsbæjar ætla að hvetja grunnskólabörn í Snæfellsbæ til að lesa í sumar og við ætlum einnig að hvetja foreldrana til að lesa með þeim. Átakið hefst 6. júní á þriðjudegi og stendur til 22. ágúst 2017. Áherslan er á að lesa sér til ánægju en í leiðinni að efla lestur barna yfir sumarmánuðina því það er staðreynd að börn verða að viðhalda lestrarkunnáttu sinni með áframhaldandi lestri yfir sumarið.

Á Bókasafninu er hægt að finna bækur fyrir alla aldurhópa þannig að allir geta fengið bækur við sitt hæfi. Vonast er til að foreldrar taki þátt í áttakinu og hvetji börnin til að lesa einhverjar af öllum þeim skemmtilegu bókum sem til eru á Bókasafni Snæfellsbæjar.

Til að vera með í sumarlestri þarf að koma á Bókasafn Snæfellsbæjar og fá lestrarþéna og bækur að láni. Það þarf að lesa að minnsta kosti 6 bækur yfir sumarið og gott ef þið lesið fleiri, einnig þarf að fylla út smá umsögn um bókina í lestrarþésann.

Þeim nemendum sem taka þátt verður skipt í tvo hópa, nemendur í 1.-4. bekk og 5.-9. bekk. Dregið verður úr skiluðum lestrarþésnum og verða iPadar í verðlaun, einn í hvorum flokki!

Opnunartími Bókasafns Snæfellsbæjar í sumar:

2. maí – 18. sept. Opið þrjú daga í viku:

Mánudagur frá 16:00 til 18:00

Miðvikudagur frá 16:00 til 18:00

Fimmtudagur frá 11:00 til 13:00

Frá 1. júlí til 15. ágúst verður opið á mánudögum og miðvikudögum frá kl. 16:00 til 18:00.



Fjöruhreinsun

Föstudaginn 19. maí fóru nemendur í 5.-7. bekk í fjöruferð inn að Fróðárósnum. Ferðin tengdist verkefninu „Hreinsun strandlengjunnar“ sem Svæðisgarðurinn hefur haft umsjón með. Nemendur voru mjög áhugasamir og duglegir við að tína rusl og þar var ýmislegt sem ekki átti heima í fjörunni. Starfsmenn áhaldahússins sáu um að ná í ruslið og var afraksturinn um 470 kg!

Greinilegt var að nemendur nutu sín vel í fjörunni.

Óskilamunir

Mikið hefur safnast upp af óskilamunum á starfstöðvum skólans, í íþróttahúsum og sundlaugum. Flestir þessara muna eru ómerktir og því ekki hægt að koma þeim til réttra eigenda. Nemendur og foreldrar eru beðnir um skoða þá vel og athuga hvort þeir eigi eitthvað af þeim. 15. júní verður svo óskilamunum pakkað saman og þeir afhentir Rauða krossinum.





Dagskrá síðustu vikuna

Þessi vika ber þess merki að skólastarfið verður brotið upp og horfið verður frá hefðbundnu skólastarfi. Mikilvægt er að fylgjast vel með tilkynningum á vikuáætlun, í tölvupósti og á Facebooksíðu skólans þannig að nemendur mæti sem best undirbúnir til þátttöku í viðfangsefnum dagsins. Nemendur mæti í skólann klæddir til útiveru. Dagskráin í vorvikunni er í grófum dráttum eftirfarandi:

25. - 27.maí Ferðalag hjá 10. bekk

29. maí 5. og 6. bekkur í Borgarfjörðinn
7. bekkur í ferð að Rjúkandavirkjun
Starfstöð Lýsu í átthagiferð í norðanverðum Snæfellsbæ

30. maí 7. - 10. bekkur í gönguferð
Starfstöð Lýsu: í heimsókn á bóndabæ, 1.-5. b, og á Malarrífi, 7.-10.b.

31. maí 1. - 4. bekkur: ferðalag
6. og 8. bekkur: gróðursetning
5.,7. og 10. frágangur og útivist
9. bekkur í hvalaskoðunarferð með Láka Tours

1. júní 1.- 10. bekkur: Ratleikur og grill í Ólafsvík – nemendur fara heim um kl. 12:00
ÚTSKRIFT 10. BEKKJAR í Ólafsvíkurkirkju kl. 20:00

2. júní Skólaslit kl. 12:00 í íþróttahúsinu. Allir nemendur norðan heiðar mæta. Athöfnin stendur í eina klukkustund. Allir velkomnir.
SKÓLASLITAHÁTÍÐ kl. 14:00 á Lýsu

Að lokum

Skóladagatal fyrir næsta skólaár verður hægt að nálgast á heimasíðu skólans fyrir skólalok. Í því er gert ráð fyrir að skóli hefjist á ný þriðjudaginn 22. ágúst.

Við sem störfum í skólanum viljum þakka nemendum og foreldrum þeirra ánægjulegt samstarf þetta skólaár og óskum ykkur gleðilegs og sólríks sumars.

